


K 1048
2



მ. კალინინი

ბ-ეგრეულევი სსრ ერთხ
პავშირუი



ტფილისი
მეორე გამოცემა საქ. მეფის ისა
1928


325. 2007-224/47-41




მშრომელ ებრაელთა მიწად-მომწყობი საკავშირო
საზოგადოება „მემესი“

მ. კალინინი

მიწის გუჯ-ეზრალეგი სსრ ერთა
კავშირი



8401



ტფილისი
მეორე გამოცემა საქ. მემეს-ისა
1928

Handwritten notes at the bottom of the page

სკებ-2000
შემოწმებულია

სტამბა „ზარია ვოსტოკა“-სი, წულუკიძის ქუჩა № 4.

შეკვეთა № 381.

ტირაჟი 2000.


მთავლიტი 2152.

წინასიტყვაობა

ამხ. კალინინის სიტყვა, რომელსაც ჩვენ ვაქვეყნებთ ქართულ ენაზე—ერთხელ კიდევ ადასტურებს იმ ფაქტს, რომ საბჭოთა ხელისუფლება უდიდესი ყურადღებით ეპყრობა მწრომელ ებრაელთა მიწაზე გადასახლების საქმეს.

ოქტომბრის რევოლიუციამ ძირფესვიანად შესცვალა ძველი ქვეყნის დახავსებული ადათ-ჩვეულებანი და ბოლო მოუღო იმ დიდ უსამართლობას, რომელსაც განიცდიდა ებრაელი მოსახლეობა. სსრ კავშირში ყოველი ერი თანასწორუფლებიანია. საბჭოთა ხელისუფლებამ წამოაყენა უდიდესი პრობლემა—ებრაელების მიწაზე და საერთოდ მათი საწარმოო შრომაზე გადაყვანა. რუსეთში, უკრაინში და ბელორუსიაში—სიტყვა უკვე საქმედ იქცა. დღეს იქ უკვე არსებობენ კოლონიები და სოფლები—ებრაელი მოსახლეობით. ამ უდიდესმა საქმემ ფართო გამომხატურება ჰპოვა საბჭოთა საზოგადოებრიობაში.

მემსის საქართველოს განყოფილება—ახლად აღმოცენებული ორგანიზაციაა და თავის განვითარების სტადიაში იმყოფება. საქართველოს ებრაელთა ეკონომიური მდგომარეობა ისეთივე მძიმეა, როგორც მოძმე რესპუბლიკებში. ამიტომაც გამოსავალი აქაც უნდა იყოს ისეთი როგორც ცენტრში. ისტორიულად წარმოყენებულ ამ დიად საკითხის პრაქტიკულად გადაჭრაში ჩვენ იმედი გვაქვს დაგვეზარება, როგორც საქართველოს მთავრობა, აგრეთვე



ფართო საზოგადოებრიობა. საქართველოს მშრომელი
ებრაელობა კი თავის მხრით—სრულიად დარწმუნებული
ვართ—უდიდესი სიხარულით შეეგებება ამ მოვლენას,
ჩაეზმება ამ დიადი დასაწყისის საქმიანობაში და ხელი-
სუფლებასთან ერთად—გამოსქედს თავის მომავალს.

საქმემსის გამგეობა



მეორე გამოცემისათვის

1928 წლის დამლევს ჩვენ გვიხდება მეორედ გამოცემა ამხ. კალინინის სიტყვისა ქართულ ენაზე. ეს იმის მაჩვენებელია, რომ ამ ერთი წლის განმავლობაში საქართველოს მშრომელ ებრაელთა მიწადმომწყობი საზოგადოება გაიზარდა და მისი იდეები თანდათანობით ფეხს იკიდებს, როგორც ებრაელ ისე არა ებრაელ მშრომელთა ფართო მასებში. საქართველოს მშრომელ ებრაელთა მიწადმომწყობ საზოგადოებას უკვე ჰყავს 1500-ზე მეტი წევრი. საქართველოშიაც უკვე გადადგმულია პრაქტიკული ნაბიჯები მშრომელ ებრაელთა მიწადმომწყობისათვის. მიუხედავად იმისა, რომ საქართველოში საერთოდ მიწის კრიზისია, საქართველოს მთავრობამ გაუწია ანგარიში საქ. ებრაელთა მძიმე ეკონომიურ მდგომარეობას და ყოველი მხრივ ხელს უწყობს მათ მიწაზე დასახლების. ამ მიზნით კახეთში უკვე გამოყოფილია მიწები 123 ოჯახისათვის (წითელი გორა), სადაც დაწყებულია წინასწარი მუშაობა. გადადგმულია აგრეთვე ნაბიჯები სხვა მაზრებშიაც. საქ. ცაკთანაც მოძმე რესპუბლიკების მსგავსად—დაარსებულია საქ. მშრომელ ებრაელთა მიწადმომწყობი კომიტეტი.

ხელისუფლებისა და ფართო მშრომელი მასების ურთიერთ დახმარება უზრუნველყოფს ამ დიდი ისტორიული საქმის გამარჯვებით დაგვირგვინებას.


საქმემშის გამგეობა.

მშრომელ ებრაელთა მიწადმოწყობის შესახებ.

სსრ კავშირის პრეზიდიუმმა ა. წ. სექტემბრის 25 დაამტკიცა „სსრკ ც. ა. კ. ეროვნულ საბჭოს პრეზიდიუმთან არსებული მშრომელ ებრაელთა მიწათმომწყობი კომიტეტის დებულება“. ამის გამო სსრკ ც. ა. კ.-ის თავმჯდომარემ ამხ. კალინინმა, „ტასს“-ის თანამშრომელთან საუბრის დროს, განაცხადა შემდეგი:


— საბჭოთა ხელისუფლებას მემკვიდრეობით ერგო მრავალი წინად დევნილი ერი, რამდენიმე ათეული მილიონი კაცი, რომელთაც ცარიზმმა მძიმე ჭრილობები მიაყენა — ჭრილობები არა მარტო პოლიტიკური — უფლებათა აყრა, არამედ ეკონომიურიც: მან აპყარა ისინი საუკეთესო მიწებიდან, და დაასახლა სილიან და ჭაობიან ადგილებში; იგი ხელს უშლიდა მათი მრეწველობის განვითარებას და სხვ. (თურქესტანი, კავკასია და სხვ.).

ოქტომბრის რევოლიუციის საფუძვლად უდევს რწმენა, რომ არ შეიძლება თანასწორობა იყოს იქ, სადაც ეკონომიური თანასწორუფლებიანობა არ არსებობს; ამიტომ მას არ შეეძლო არ გადაეტანა ეს პრინციპი ეროვნულ ურთიერთობათა სფეროშიც და საბჭოთა ხელისუფლების წინაშე დააყენა დევნილ ერების ეკონომიურ ჭრილობათა განკურნების ამოცანა. ეს არის ერთ-ერთი უაღრესად დამახასიათებელი თვისება ჩვენი, საბჭოთა ეროვნული პოლი-



ტიკისა. თუ ამ თვალსაზრისით მიუდევით, ეგრეთ წოდებულ „ებრაელთა საკითხს“, უნდა ითქვას, რომ ებრაელების პოლიტიკურ-უფლებრივ გათანასწოების მხრივ ჩვენ ამ მოკლე ხანში, რა თქმა უნდა, ბევრი გავაკეთეთ, გაცილებით მეტი, ვიდრე სხვა რომელიმე სახელმწიფომ, მაგრამ ეკონომიურად ჩვენ არამც თუ არ გავაუმჯობესეთ ებრაელთა ფართო მასების მდგომარეობა, არამედ ზოგიერთის მხრით გავაუარესეთ კიდევ.

ყოფილი რუსეთის იმპერიის ყველა ერებში მხოლოდ ებრაელებს ჰქონდათ აკრძალული სოფლად დასახლება და სასოფლო მეურნეობის წარმოება. ამას გარდა, ებრაელები შერეკეს ბინადრობის ზოლში და ამით აღუკვეცეს გზა მსხვილ მრეწველობისაკენ, რომელიც უმთავრესად შუა რუსეთში, ურალზე, დონბასში და ბაქოში იყო განვითარებული; შერეკეს ამგვარად წვრილ ქაღალეებსა და დაბებში, სადაც ისინი ეწეოდნენ უმთავრესად წვრილ ვაჭრობასა და ხელოსნობას. მაგრამ რა მისცა მათ ოქტომბრის რევოლიუციამ? რადგან ებრაელები არ ცხოვრობდნენ სოფლად და სასოფლო მეურნეობას არ ეწეოდნენ, მათ მემამულეთაგან ჩამორთმეული მიწა არ ერგოთ. მეორეს მხრივ კი, ჩვენ მიერ სახელმწიფო ვაჭრობასა და კოოპერაციაზე, მრეწველობის კონცენტრაციისა და რაციონალიზაციაზე აღებულ კურსმა სრულებით გამოაცალა ნიადაგი მრავალ ასი-ათას მშრომელ ებრაელს, სავსებით გამოაცალა ეკონომიური ბაზა და გადგავარების საფრთხის წინაშე დააყენა. და ეს მოხდა მას შემდეგ, რაც სამოქალაქო ომის დროს თეთრგვარდიელებმა და პეტლიურელებმა დახოცეს და დაასახინჩრეს მრავალი ათასი მშრომელი ებრაელი, გაძარცვეს და დასწვეს აუარებელი



ებრაული დაბა; ეს მოხდა ებრაელ მუშების ცარიზმთან გმირული რევოლუციონური ბრძოლის თითქმის 30 წლის თავზე!

ამიტომ ჩვენი არსებითი და გადაუდებელი ამოცანაა—ჩავაბათ მშრომელი ებრაელები საწარმოო შრომაში. ებრაელების ფართო მასის ყოფა ცხოვრებასა და მდგომარეობაზე, ებრაელ საბჭოთა-მოსამსახურეების მიხედვით კი არ უნდა ვმსჯელობდეთ, არამედ იმის მიხედვით, თუ რა ხდება უკრაინისა, ბელორუსიისა, გომელის და სმოლენსკის გუბერნიების აუარებელ დაბა-ქალაქში. ამ უკანასკნელ წლებში გამოკვლეული იყო ებრაელების მდგომარეობა უკრაინაში, ბელორუსიაში და რსფსრ დასავლეთ გუბერნიებში. ამ გამოკვლევამ ცხადყო, რომ ებრაელი მოსახლეობის ფართო წრეები საშინელ სიღატაკეშია ჩავარდნილი, რომ ამ მოსახლეობის 30—40 პროც. არავითარი შემოსავალი წყარო არ აქვს; ახალგაზრდობაში კი ეს პროცენტი 70-მდე აღის.

მხედველობაში უნდა იქნეს მიღებული აგრეთვე ისიც, რომ შეუძლებელია რაიმე ეკონომიური და აგრეთვე პოლიტიკური გაჯანსაღება უკრაინისა, ბელორუსიის და ჩვენი დასავლეთ გუბერნიებისა, თუ ეკონომიურად არ ვაჯანსაღებთ ყველა იქაური დაბა-ქალაქი, სადაც ებრაელები ზოგან უმრავლესობას შეადგენენ, ზოგან—კი საგრძნობ ნაწილს. რადგან ჩვენი მრეწველობა ჯერ საერთოდ ნელის ტემპით ვითარდება, არ არის იმის იმედი, რომ მთელი ეს გზა-დაკარგული ხალხი მრეწველობის ფერხულში ჩაებას. გვრჩება ერთი გზა—ებრაელთა მასის რაც შეიძლება მეტი ნაწილი სასოფლომეურნეობაზე გადავიყვანოთ. ამ გზაზე ჯერ კიდევ 1918 წელს მიგვითითა აჩხ.

ლენინმა (იხ. წინასიტყვაობა ამას წინად გამოსული წიგნისა: „ვ. ი. ლენინი და ებრაელთა საკითხი“).

მაგრამ ჩვენ მხოლოდ ახლად მოვკიდეთ ხელი ამ საქმეს.

სოფლის მეურნეობაზე გადასვლა სავსებით შეეფერება ებრაელთა მშრომელი მასის სტიქიურ ლტოლვას. ამას მოწმობს ის ფაქტი, რომ ც. ა. კ-ის პრეზიდენტის მიერ დაარსებული „მშრომელ ებრაელთა მიწათ მომწყობ კოპიტეტის“ მუშაობის ერთი წლის განმავლობაში გადავიდა სასოფლო მეურნეობაზე 6.000 ებრაელი ოჯახი, რომლებმაც იმ უამრავ სიძნელეთა მიუხედავად, რაც დაკავშირებულია ქალაქში მცხოვრების სოფლად დასახლებისთან, დიდი შრომის უნარი და მოწადინება გამოიჩინეს და თავიანთი მეურნეობა ისეთ დონეზე დააყენეს, რომ იგი გაცილებით უფრო მაღლა დგას, ვიდრე ადგილობრივი გლეხების მეურნეობა.

ახლად ჩასახლებული ებრაელები მეტ-წილად კოლექტივებს ადგენენ.

ჩვენ მიერ მშრომელ ებრაელთა მიწადმოწყობისათვის მიღებული ღონისძიებანი დიდ როლს ითამაშებენ აგრეთვე სხვადასხვა ერის მშრომელთა დაახლოვების საქმეში და წარსულის წყეული ნაშთის ანტისემიტიზმის-აღმოფხვრაში. როდესაც რუსი, უკრაინელი, ბელორუსი გლეხი თავის ნეზობლად ებრაელ გლეხს დაინახავს, იგი ადვილად განასხვავებს მშრომელ-ებრაელს ებრაელ-ექსპლოატატორისაგან, ისევე. როგორც მან რუსი გლეხისა და რუსი მემამულის თუ გენერლის გარჩევა ისწავლა.

ძალიან სასურველი იქნებოდა აგრეთვე, რომ წითელი არმიის ადგილობრივი ნაწილები ახლო გაეცნონ



იხლად დასახლებულ ებრაელთა კოლექტივების—ამ ახალი ებრაელი გლეხობის პიონერთა ყოფა ცხოვრებას. ეს დიდად შეუწყობდა ხელს ნაციონალისტური ბურჟუასის გაფანტვას და უფრო მეტად განამტკიცებდა ჩვენ ძირითად —გზის მაჩვენებელ პრინციპს: „პროლეტარებო ყველა ქვეყნისა, შეერთდით!“—ყველა ქვეყნისა და ყველა ერისა!




მიწის მუშა-მგრაელები სსრ ერთა კავშირში.

(ამხ. მ. ი. კალინინის სიტყვა—წარმოთქმული მშრომელ ებრაელთა მიწადმომწყობი საზოგადოების (ქემმსი) ყრილობაზე 1926 წ. ნოემბრის 17).

სსრკ—სამშობლოა ყველა მშრომელი ერისათვის.

— ამხანაგებო, დღევანდელი ყრილობა, შეიძლება ითქვას, ყველაზე უფრო დამახასიათებელია საბჭოთა რესპუბლიკისათვის, ყველაზე უფრო მეტად გამოხატავს მის არსს. არც-ერთ ბურჟუაზიულ სახელმწიფოში არ არის შესაძლებელი ასეთი ყრილობა—ებრაელ გლეხების ყრილობა. ასეთი ყრილობა მხოლოდ საბჭოთა კავშირშია შესაძლებელი. რას ნიშნავს ეს?

ეს უპირველეს ყოვლისა იმას ნიშნავს, რომ ამ კავშირს ძველი რუსეთის შინაარსი—კი არა აქვს, რომ სსრ კავშირი ამა თუ იმ ერის სპეციფიური, თვითმპყრობელობის ქვეყანა-კი არაა, არამედ კავშირია ყველა იმ ერისა, რომლებიც შედიან მასში. საბჭოთა კავშირში ყოველ ერს უნდა მიეცეს თავისი ადგილი. რომ სსრ კავშირში იყოს ისეთი ერები, რომლებსაც არ აქვთ თავისი ადგილი, რომლებიც არ გრძნობენ თავის თავს ერად, კავშირის, სრულუფლებიან მოქალაქედ, არ მიაჩნიათ ეს კავშირი თავის სამშობლოდ, მაშინ საბჭოთა სოციალისტურ რესპუბლიკათა კავშირი თავისი შინაარსით ვერ იქნებოდა ყვე-



ლა ამ ერის ნამდვილი ძმური კავშირი. და სწორედ, ებრაელ მიწადმოქმედთა ყრილობა ნათელყოფს ნამდვილ არსს ჩვენი კავშირისა, რომელშიდაც ყოველი ერი აყალიბებს თავის ეროვნულ სახეს.

ებრაელი ერი ძველ რუსეთშიდაც და, ყველა დანარჩენ ქვეყნებშიდაც უაღრესად დაბეჩავებული იყო. და რომ ძველ რუსეთში იგი არ მიემაგრებიათ ერთ განსაზღვრულ ადგილზე, აქამდე მისი დიდი ნაწილი მთლად გაითქვიფებოდა დანარჩენ მოსახლეობაში.

ცარიზმის მიზანიც სწორედ ეს იყო, მაგრამ თავისი ტაქტიკით ხელი შეუშალა ამ ასიმილაციას, იგი ფიქრობდა, რომ უფლებათა შეკვეცით და უხეში ძალმომრეობით მოსპობდა ამ ერს, მაგრამ ნამდვილად-კი ტერიტორიალურად შემოფარგლა და შეამქიდროვა იგი და გაადვივა ეროვნული ინსტიქტები. საბჭოთა სახელმწიფოს არ სჭირია არც მოსპობა, არც ასიმილიაცია და არც დაშლა რომელიმე ერისა.

საბჭოთა სახელმწიფო კლასობრივი სახელმწიფოა, იგი არის პროლეტარიატის დიქტატურის სახელმწიფო და, შეიძლება ითქვას, არც ერთ სხვა სახელმწიფოში არა სჩანს მისი კლასობრივი ბუნება ისე აშკარად, როგორც საბჭოთა სახელმწიფოში. სხვა სახელმწიფოები-კი, მაღავენ თავის კლასობრივ ხასიათს, თუმცა წმინდა კლასობრივი ბუნებისანი არიან. მათი ბურჟუაზიული კლასობრივი ხაზი გამოიხატება ვიწრო წრის, მთელ დანარჩენ მოსახლეობასთან შედარებით ძლიერ ვიწრო წრის პრივილეგიების დაცვაში—ისინი იცავენ მსხვილი და საშუალო ბურჟუაზიის ინტერესებს. მოსახლეობის ეს ნაწილი რამდენიმე ასიათასს, სულ დიდი-დიდი რამდენიმე მილიონს თუ უდრის.

პრავალი დანარჩენი მილიონი—კი, რომელ ერსაც არ ეკუთვნოდეს გაბატონებულს თუ დევნილს-დაბეჩავებულს. ბურჟუაზიულ სახელმწიფომ იცის, რომ მთელი მისი პოლიტიკა ამ უმნიშვნელო უმცირესობის ინტერესებს იცავს და ამიტომ ცდილობს თავის თავი არა-კლასობრივად მოგვაჩვენოს. სსრ კავშირი—კი პირიქით მთელი ქვეყნის წინაშე ააშკარავებს თავის კლასობრივ შინაარსს სრულებით ახდილად, რადგან იგი იცავს მუშურ-გლეხურ მშრომელ მასებს, იცავს მოსახლეობის უდიდეს ნაწილს, დიდ უმრავლესობას. ჩვენ გვაქვს დიქტატურა, რკინის დიქტატურა პროლეტარიატისა, რომელსაც გვერდში უდგას გლეხობა, და, რა თქმა უნდა ამ დიქტატურის უროს ქვეშ მოექცა უმცირესობა. მაგრამ ჩვენ ამას არ ვმაღავეთ არც ვერიდებით. ჩვენ ვდევნით და ვამხრავთ ყველაფერს რაც წინააღმდეგობას გვიწევს და პროლეტარიატის დიქტატურას ებრძვის. წვრილ ბურჟუაზიას, რომელმაც მიიღო საბჭოთა ხელისუფლება და სურს ასე თუ ისე იმუშაოს საბჭოთა კავშირში, მისი კანონის ფარგლებში—ჩვენ ვითმენთ. ჩვენ არა გვაქვს არავითარი მიზეზი-დავმალოთ ყოველივე ზემონათქვამი, ბურჟუაზია—კი მაღავს თავისი პოლიტიკის ნამდვილ ბუნებას.

ახლა ვიკითხოთ თუ რა ამოცანები სდგას სსრ კავშირის წინაშე. ჩვენი მიზანია მივსცეთ კავშირის მშრომელთ, რა ერსაც უნდა ეკუთვნოდეს ისინი, სიკეთეთა მაქსიმალური რაოდენობა, მივცეთ კავშირის ყოველ ერს გაშალოს თავისი შემოქმედებითი უნარი, მოვსპოთ ყოველგვარი ჩაგვრა ეკონომიური, პოლიტიკური, ეროვნული, —რადგან ეროვნული ჩაგვრა თავის არსებით იგივე ეკონომიური ჩაგვრაა.

ანტიემიტიზმი და ეროვნულ ჩაგვრასთან ბრძოლა.

რადგან ჩვენ მიზნად ვისახავთ ყოველგვარი ეროვნული ჩაგვრის მოსპობას, ცხადია, ჩვენ წინაშე სდგება მთელი რიგი პრაქტიკული კითხვებისა—თუ როგორ მოვსპოთ იგი. ერთია—დეკლარაცია, სულ სხვა-მისი ცხოვრებაში გატარება. ოქტომბრის რევოლუციამ აღიარა ყველა ერის თანასწორობა, ყველა თანასწორუფლებიან მოქალაქედ გამოაცხადა, ყველას მიანიჭა უფლება დაიჭიროს სახელმწიფოებრივი თანამდებობა—უმდაბლესი თუ უმაღლესი—სრულად ისარგებლოს თავისი უფლებებით ყველგან და ყოველთვის. მაგრამ ეს უფლებაა, მისი განხორციელების საშუალება-კი არის? თქვენ თითონ გესმით, რომ ოქტომბრის რევოლუციამ, რომელმაც სრულებით გაანთავისუფლა ყველა ერი, მათ შორის ებრაელი ერიც ერთის მხრივ გაანთავისუფლა და მეორეს მხრივ-კი დიდად ავნო მას; (ამის თაობაზე მე ვლაპარაკობდი ერთ-ერთ ჩემს წერილში ებრაელთა საკითხის შესახებ). მე ვამბობ: ავნო, რადგან ოქტომბრის რევოლუციამ პირველ ხანებში, მწვავე სამოქალაქო ომის დროს, მოსპო—თუნდაც დროებით—შინამრეწველობა—ებრაელი მოსახლეობის არა თუ კეთილდღეობის, არამედ არსებობის წყაროც. ეს განსაკუთრებით მწვავედ განიცადა დაბა-ქალაქის ლარიბ ებრაელმა, სწორედ-ლარიბმა. ამიტომაც ვამბობთ: დეკლარაცია-კარგია, მაგრამ ჩვენ უნდა შეუდგეთ უკვე მის განხორციელებას, ცხოვრებაში გატარებას.

ჩვენი კავშირის არსებობის 9 წლის განმავლობაში ჩვენში გაჩნდა მთელი რიგი ავტონომიური რესპუბლიკებისა, ეროვნული ოლქებისა, თავი იჩინა ისეთ ერებმა,


რომლებიც ძველ, საჩეფო რუსეთში თითქმის არც კი სჩანდნენ. ამიტომ სრულებით ბუნებრივია, რომ მოძრავ საკმაოდ კულტურულ, მუდმივ საარსებო ბრძოლაში პოლიტიკურად და სოციალურად გამობრძმედილ ებრაელ მოსახლეობასაც არ შეეძლო არ ამოეღო ხმა და არ მოეთხოვა თავისი ეროვნული ადგილი საბჭოთა კავშირში. სრულებით გასაგებია, რომ ანტისემიტიზმი გავრცელებულია ყველა ბურჟუაზიულ ქვეყნებში. თუ ძველ რუსეთში ანტისემიტიზმს სთესდნენ იმის შიშით, რომ ბინადრობის ზოლიდან გასულ ებრაელებს მეტოქეობა არ გაეწიათ რუსეთის კაპიტალისტებისათვის, — ანტისემიტიზმი სხვა ქვეყნებშიდაც არსებითად ისეთივე ნიადაგზე აღმოცენდა. ბურჟუაზიას შურს, ეშინია მეტოქეობისა და ცდილობს შეინარჩუნოს თავისი უპირატესობანი. და ამიტომაც ბურჟუაზიულ ქვეყნებში ანტისემიტიზმი ადვილი გასაგებია. მაგრამ საბჭოთა სოციალისტურ რესპუბლიკებში არსებითად ძველი წყობილების ნაშთია; მისი ჩანასახი, სათავე უნდა ვეძიოთ ქალაქის წვრილ-ბურჟუაზიულ ინტელიგენციის წრეებში.

ჩვენ გლახებსა და მუშებში ანტისემიტიზმს არ ექნებოდა ღრმად გადგმული ფესვები, ვინაიდან ეს ანტი-სემიტიზმი შთაგონებული არის, თორემ თავისით იგი ვერ წარმოიშობოდა.

ვის მიერ არის შთაგონებული, ჩასმენილი ეს ანტი-სემიტაზმი? რატომ არის რუსეთის ინტელიგენცია ჩვენს დროში, შეიძლება იოქვას კიდევ, უფრო ანტისემიტურად განწყობილი, ვიდრე ცარიზმის დროს იყო? ეს სავსებით ბუნებრივია. რევოლიუციის პირველ დღეებში მოძრაობაში ჩება ინტელიგენტური და ნახევრად-ინტე-

ლიგენტური ქალაქის ებრაელი მასა. ეს ერი მუდამ დევნილი იყო, მას არას დროს არ ჰქონია წილი სახელმწიფოებრივ მმართვეა-გამგეობაში, მის წრიდან სხვაც რომ არა ვთქვათ „ურიადნიკიც“ ვერ გამოვიდოდა; ამიტომ იგი, თავის-თავად ცხადია, დაეწაფა რევოლიუციონურ მშენებლობას; ამ მშენებლობასთან — კი დაკავშირებულია მართვა-გამგეობაც. მრავალ ებრაელს ეჭირათ სხვა და სხვა თანამდებობა-კომისრისა, ქვეკომისრისა, ხელმძღვანელისა და სხვ. ათასი წლების განმავლობაში ეს იყო პირველი მაგალითი იმისა, რომ ებრაელს შესაძლებლობა მიეცა ყოფილიყო არა მარტო ვაჭარი, მუსიკოსი, ექიმი ან სხვ. რაიმე თავისუფალი პროფესიის კაცი, არამედ სახელმწიფო მართვა-გამგეობაშიც მიეღო მონაწილეობა ან არმიაში შესულიყო. სწორედ იმ დროს, როცა რუსეთის ინტელიგენციის დიდი ნაწილი შეუშინდა და გვერდზე გადაუდგა რევოლიუციას, ებრაელი ინტელიგენციის დიდმა პროცენტმა მიაშურა რევოლიუციას, და შეუდგა მუშაობას რევოლიუციონურ მართვა-გამგეობის ორგანოებში. აი ამ ნიადაგზე ვითარდება ანტისემიტიზმი.

მაგრამ ებრაელი ხალხისთვის, როგორც ერისათვის, ამ მოვლენას დიდი მნიშვნელობა აქვს, და ამასთან, მე ვიტყვოდი, უარყოფითი მნიშვნელობა. როცა ერთ-ერთ ქარხანაში შემეკითხენ: „რატომაა მოსკოვში ამდენი ებრაელიო“, მე ვუპასუხე: „მე რომ ძველი რაბინი ვიყო, რომელსაც გვლი შესტივა ებრაელი ერისათვის, შევაჩვენებდი იმ ებრაელებს, რომლებიც მიდიან მოსკოვში და იქ საბჭოთა თანამდებობებს იჭერენ, რადგან თავისი ერისათვის ისინი დაკარგული ხალხია“ (სიცილი, ტაშის ცემი). მოსკოვში ებრაელებსა და რუსებს შორის სისხლის




შერევა ხდება, ებრაელები მეორე ან დიდი დიდი, მესამე თაობიდან უკვე სავსებით ჰკარგავენ თავის ეროვნულ სახეს და ჩვეულებრივ რუსოფკატორებათ იქცევიან.

ჩემი აზრით მიწაზე დაფუძნების ლტოლვას, რომელმაც მოიცა დიდი ნაწილი ებრაელი ხალხური ინტელიგენციისა და უფრო დიდი ნაწილი ღარიბი ებრაელებისა, საფუძვლად უდევს უპირველეს ყოვლისა ეკონომიური აუცილებლობა, სურვილი გაიმაგრონ თავისი ეკონომიური ბაზა. თუ ჩვენ ამ მოვლენას იდეოლოგიურად, ეროვნული თვალსაზრისით მიუდევით, მე მგონი, დავინახავთ, რომ ეს ლტოლვა ერთ ერთ უძლიერეს, მასიურ, არაცნობიერ მოვლენას ააშკარავებს—სურვილს ერის შენახვა-შენარჩუნებისა. ჩემის აზრით, ეს არის ეროვნული თვითდაცვის ერთ-ერთი ფორმა.

ეროვნულ თვითდაცვის ლტოლვა.

იმ ასიმილაციისა და ეროვნულ საზღვრების წაშლის წინააღმდეგ, რომელიც მოელის ყოველ პატარა ერს, თუკი მას საკუთარი ეროვნული განვითარების შესაძლებლობა არა აქვს,—ებრაელ მასებში გაიზარდა თვითდაცვის გრძნობა, გაღვივდა ბრძოლა ეროვნებისათვის. ექვი არ არის, რომ ახლანდელ პირობებში სამიწადმოქმედო კომუნების ორგანიზაცია, გლეხური სასოფლო მკურნეობის მოწყობა, შეიძლება ითქვას, არის ერთ-ერთი საუკეთესო საშუალებათაგანი ებრაელი ერის თვითშეხატვისათვის. მე ვამბობ, რომ ამ მოვლენას საფუძვლად უდევს ეკონომიური მისწრაფება და სოციალისტური რესპუბლიკათა კავშირის მთავრობა, დაბა-ქალაქის ღარიბ ებრაელთა აფუძნებს მიწაზე მათი საკუთარი სურვილისამებრ. მთავრობა




ყოველივე საკითხს პრაქტიკულად უდგება; ჩვენ ვხედავთ, რომ ღარიბი ებრაელები ტანჯვას განიცდიან, რომ საჭიროა მისთვის რაიმე გამოსავალი მოინახოს—და აი ეს ჩასახლებაც ღარიბი ებრაელებისათვის ერთგვარი ხსნა, ეკონომიური გამოსავალია. მაგრამ მთავრობა, თუმცა მას ესმის, რომ ებრაელთა ერთი ნაწილის მიწის მეურნეობაზე გადასვლა იმავე დროს ებრაელი ერის განმტკიცებაა, სრულებითაც არ უშლის ამას ხელს. საბჭოთა მთავრობას, რომელიც ხელს უწყობს ებრაელ ერს და ყველა სხვა ერებსაც ყოველგვარი საშუალებით, რაც მის ხელთ არის (ეს საშუალებანი-კი, რა თქმა უნდა, ერთობ მცირეა), რომელიც სცდილობს აღადგინოს ღარიბ ებრაელების კეთილ-დღეობა, ესმის, თუ რა მნიშვნელობა აქვს ყოველივე ამას ებრაელ ერისთვის.

რა თქმა უნდა, ის შედეგები, რაც აქამდე მოგვცა მშრომელ ებრაელების მიწაზე დასახლებამ, ჯერ-ჯერობით ერობ მცირეა და სრულებით ბუნებრივიცაა. თქვენ თვითონ გესმით, რომ იმ ერის ეროვნულ-სამიწადმოქმედო კულტურის შექმნა, რომელიც მიწადმოქმედებას არას დროს არ ეწეოდა, —ეს, არსებითად, გრანდიოზული ამოცანაა. მაგალითად, ერთი კომლის მოსაწყობად, საჭიროა არა ნაკლებ ათასი მანეთისა, თუ ყველა ხარჯები მივიღეთ მხედველობაში. და ბოლოს, სასოფლო მეურნეობა ისეთი საქმეა, რომლის შედეგი მხოლოდ რამდენიმე წლის შემდეგ გამოჩნდება ხოლმე. ჯერ კაცმა გადასვლაც ვერ მოასწრო და ზოგი მწერალი უკვე მიღწევებზე ლაპარაკობს. ეს დიდი შეცდომაა. ეს ფანტაზიაა. ვინც ასე ლაპარაკობს—ის არ იცნობს გლეხის მეურნეობას.

მე ეჭვიც არ მეპ.რება, რომ მრავალი სოფლად და-
სახლებული ქალაქელი ებრაელი იმედგაცრუებული დარ-
ჩება, თუ დაუყოვნებლივ შედეგები არ მიიღო და ბუნებრი-
ვიცაა, რომ ბევრ იმათთაგანს, ვინც თავისი ერის შენახვა-
შენარჩუნებისათვის ხელი მოჰკიდა სასოფლო მეურნეობას
და ამ ახალ გზაზე დიდ ძიძნელეს, ხოლო მცირე ნაყოფს
იგემებს, იმედი გაუცრუვდებათ. უნდა გვახსოვდეს, რომ
დიდ საქმეს დიდი შრომა სჭირია. უამისოდ კარგ შედე-
გებს ვერ მივაღწევთ.

ებრაელი ერის წინაშე დიდი ამოცანა სდგას—შეი-
ნარჩუნოს თავისი ეროვნება, ამისათვის—კი საჭიროა, რომ
ებრაელების დიდი ნაწილი, რამდენიმე ასეული ათასი,
მაინც გადაიქცეს მკვიდრ, მკვიდრო გლეხურ, მიწადმომკმედ
მოსახლეობათ. მხოლოდ მაშინ შეეძლება ებრაელ ერს
შენარჩუნოს მომავალში თავი. ებრაელი ერის წინაშე
დიდი ამოცანა სდგას და ამ ამოცანის გადასაწყვეტად
საჭიროა ენერგიული და დაუღალავი შრომა, ვინაიდან
ებრაელი მასა არ არის ჩვეული მიწის დამუშავებას, ვინა-
იდან ქალაქელის შრომა სულ სხვაა, ვიდრე გლეხისა.

ამისათვის დიდი თანხებია საჭირო. მთავრობა, თა-
ვის მხრივ, ყოველივე საშუალებას ხმარობს, რომ გაუწიოს
ამ საქმეს რაიმე მატერიალური დახმარება. უნდა გვახ-
სოვდეს, რომ საბჭოთა მთავრობის წინაშე სდგას საკითხი
აგრეთვე სხვა ეროვნების უკრაინელ, რუს, ბელორუს და
სხვ.—გლეხობის გადასახლების შესახებ. რომ მთელი ამ
გლეხობის პრეტენზიები თუნდაც ნახევრად დავაკმაყოფი-
ლოთ, ჩვენ მთავრობას მოუხდებოდა რამდენიმე ასეული
მილიონის გაღება. ამისი საშუალება-კი საბჭოთა კავში-
რს ამ უამად არა აქვს. ამიტომ საბჭოთა მთავრობამ



ებრაელ გლახობის თავისუფალ ადგილებზე გადასახლები-
სათვის შედარებით მცირე თანხები გაიღო. ამასთან ის
ცდილობს მისცეს გადასახლებულთ ისეთი მიწის ნაკვეთე-
ბი, რაც თავისი კლიმატიური და სხვაგვარი პირობების
მხრივ შეეფერება ებრაელ მოსახლეობის ჩვეულებებს. სწო-
რედ ამიტომ ამოვირჩიეთ ყირიმი, უკრაინის სამხრეთი
ნაწილი. ეს ადგილები როდი სჯობია იმათ, რომლებიც
ჩვენ სხვა ოლქებიდან ბელორუსიიდან, შუა რუსეთიდან
და უკრაინიდან—გადმოსახლებულთ მიუჩინეთ. და ტყუი-
ლად ცდილობენ ჩვენი მტრები და ანტისემიტები დაამ-
ტკიცონ, თითქოს ებრაელებს საუკეთესო მიწები ეძლეო-
დეთ. ჩვენ კარგად გვესმის, რომ ეს მიწები არა თუ უკე-
თესია, არამედ, ნიადაგისა და ჰაერის მხრივ, გაცილებით
უარესია და უდიდეს შრომას მოითხოვენ.

რუსების გადმოსახლებას ამ მიწებზე დიდი თანხები
დასჭირდებოდა და საბჭოთა მთავრობა ვერ იკისრებდა
ამას, რადგან ჩვენ რუსებს, უკრაინელებს და ბელორუ-
სებს ათი ათასობით ვასახლებთ; ჩვენ რომ დაგვეპირები-
ნა მათი ყირიმში გადასახლება, ასი ათასების ნაცვლად
სულ მცირედი რაოდენობის გადასახლებას თუ მოვახერ-
ხებდით, რადგან გადასახლება მეტ ხარჯებს მოითხოვდა
და ეს კი შეამცირებდა გადასახლებულთა რიცხვს.

ებრაელების ყირიმში ჩასახლებას ხელს უწყობს ორი
გარემოება. ერთის მხრივ, ყირიმში და ყირიმს ახლო
გვაქვს ებრაელებისათვის კლიმატიურად შესაფერისი ად-
გილები, მაგრამ მათ მოსაგვარებლად საჭიროა დიდი
ხარჯი, დიდი კაპიტალი, საბჭოთა მთავრობას-კი ამჟამად
არ შეუძლია საკუთარი წყაროებიდან გაიღოს საჭირო
თანხები. მაგრამ, მეორე მხრივ, საბჭოთა მთავრობა არ უშ-

ლის ებრაელ-მოახალშენეებს მიიღონ დახმარება საზღვარგარეთ მცხოვრებ ებრაელ კაპიტალისტებისაგან, მე ვამბობ, საზღვარ-გარეთ მცხოვრებთაგან, რადგან სსრკავშირში ჩვენ თავის დროზე ლიკვიდაცია ვუყავით ებრაელ კაპიტალისტებს. ფიზიკური ლიკვიდაცია-კი არ მოგვიხდენია, არამედ მათი კაპიტალების ლიკვიდაცია მოვახდინეთ და ამიტომ მათ სრულიად დაჰკარგეს მნიშვნელობა. ჩვენ მართალია გაუსწორდით ებრაელ კაპიტალისტებს, მაგრამ ამითი თვით ებრაელი ერის ლიკვიდაცია კი არ გვსურს. და აი აქ ერთმანეთს ორი სხვა და სხვა ინტერესი, სხვა და სხვა თვალსაზრისი შეხვდა. ერთია მასის თვითდაცვის ინსტინქტი და მეორე კი-ეროვნული გრძნობა საზღვარგარეთ მცხოვრებ ებრაელ-კაპიტალისტებისა, რომლებიც გრძნობენ თავის ცოდვებს ებრაელი ერის წინაშე და თუმცა სიმდიდრეში სცურავენ, მაგრამ მაინც სწუხან, რომ მათი თანამოძმე ხალხი წვალობს, იტანჯება. ოდესღაც რუსეთის მემამულეებიც, თუნდაც ნაწილი, გრძნობდენ თავის პასუხისმგებლობას ყმების წინაშე; ესევე ხდება ეხლაც. თუ ეს გრძნობა უფრო სუსტია, რადგან კაპიტალისტური სამყარო ნაკლებად მგრძნობიარეა, ვიდრე ძველი აზნაურობა იყო და აი, როცა ებრაელ-კაპიტალისტში ილვიძებს ეროვნული გრძნობა, სურვილი დაეხმაროს თავის ხალხს, ბუნებრივია, რომ მრავალ საზღვარ-გარეთელ ებრაელ კაპიტალისტს ებადება აზრი ხელი გაუშართონ მოახალშენეთ. რა თქმა უნდა, ბევრი ექვის თვალით შეხედავს ამას: როგორ შეუძლია საბჭოთა კავშირს, რომელიც გადაჭრით უარყოფს კაპიტალიზმს, ებრძვის ყველა სახის კაპიტალიზმს, შეუპოვდეს ამას, დაუშვას ასეთი დახმარება დასავლეთ ევროპის კაპიტალისტებისაგან. ამაზე მე ვუ-

პასუხებდი მხოლოდ ერთ რამეს: ბურჟუაზიულ პარლამენტებში ხშირია შემთხვევა, რომ კომუნისტები ხმას აძლევენ უკიდურეს მემარჯვენებთან ერთად, ვთქვათ, მთავრობის ანა თუ იმ შემადგენლობის წინააღმდეგ. მათ სრულებით საწინააღმდეგო მიზანი და მოტივები აქვთ, მაგრამ ხმას-კი ერთად აძლევენ. ასევე ხდება ჩვენშიაც. საბჭოთა რესპუბლიკების კავშირი ყურადღებით ეპყრობა ყოველივე ერს, მას არც შეუძლია არ მოიქცეს ასე. ჩვენი მთავრობა არ იქნებოდა საბჭოთა მთავრობა, რომ ხელს არ უწყობდეს ყველა პატარა ერს შეინარჩუნოს თავისი არსებობა და ეროვნული გრძნობა. მხოლოდ ასეთ პირობებში, ვიმეორებ, შეუძლია ყოველ ერს საბჭოთა კავშირი თავის სამშობლოთ იცნოს.

და მხოლოდ დღეს გაიჩინა სამშობლო ებრაელ მოსახლეობამ, თუმცა იგი უკვე რამდენიმე ათასი წელიწადი ცხოვრობს ჩვენში. მე ვწერდი უკვე ერთ-ერთ ჩემს წერილში, რომ ჩვენთვის სრულებით არ არის სამარცხვინო, როცა ებრაელი კაპიტალისტები გარბიან ჩვენგან დასავლეთ ევროპაში და იქ ჩვენ საწინააღმდეგო კამპანიას აწარმოებენ; მაგრამ ჩემის აზრით, ყოველად დაუშვებელია, რომ მშრომელი ებრაელები თავისი ბედ-იღბალის საქმერად წავიდნენ საბჭოთა კავშირიდან.

ამხანაგებო, ჩემის აზრით, საბჭოთა კავშირი ებრაელ მასებისათვის ათჯერ უკეთესი სამშობლო უნდა იყოს, ვიდრე რომელიმე ბურჟუაზიული პალესტინა, რადგან ამხანაგებო,—რას მისცემს პალესტინა მშრომელ ებრაელებს? პალესტინას ვიდრე იქ საბჭოთა ხელისუფლება არ დამყარდება, შეუძლია მხოლოდ ექსპლოატაცია მისცეს მათ, ხოლო როდის დამყარდება იქ საბჭოთა ხელისუფლება—

ეს ჩვენ არ ვიცით ჯერ. ბოლოს და ბოლოს, განა ჩვენ დასავლეთ და სამხრეთ-დასავლეთ ოლქებს შერჩა რაიმე ორგანიული, ფიზიოლოგიური ან სხვა რამ კავშირი პალესტინასთან? ვერაფერი ვერ შერჩებოდა.

ხშირია ხოლმე, რომ რომელიმე აბსურდი ან ცრუ-აზრი საყოველთაოდ არის გავრცელებული. თითქოს ცხადია, რომ იგი შეცდომაა, გაუგებრობისა და დაუკვირებლობის ნაყოფია, მაგრამ მას მაინც ყველა იზიარებს. ასეთია ის ცრუ-აზრიც, თითქოს ძველი რუსეთის სახელმწიფოების თვალსაზრისით ებრაელები რუსეთში ვერ ჩაითვლებიან რუსებათ. მაგრამ ებრაელებს ამ ქვეყანაში უკრაინელებსა, პოლონელებსა და, შეიძლება ითქვას, რუსებზე ნაკლები-კი არ უცხოვრიათ. მიუხედავად ამისა ეს ცრუ-აზრი გავრცელებულია როგორც რუსებსა, ისე ებრაელებს შორის.


გუშინ დევნილნი — დღეს სწორუფლებიანი შვილები.

ებრაელები, რომლებიც ძველთაგან ცხოვრობენ ჩვენ სამხრეთ-დასავლეთ გუბერნიებში, რუსებთან ერთად მონაწილეობას იღებდნენ რუსული კულტურის განვითარებაში, რუსებთან ერთად განიცდიდნენ ექსპლოატაციას; მათ არ ჰქონდათ სამშობლო, ისინი მონები იყვნენ. მათ ცხოვრების სპეციფიურ ფორმას ახვევდნენ თავზე, რომ ამით განემარტოვებინათ ისინი. ჩემის აზრით იმ ფართოდ გავრცელებულ „ობივატელურ“ აზრს, თითქოს ებრაელებმა თავისი სამშობლო სადმე სხვაგან უნდა ეძიონ, ჩვენში ადგილი არ უნდა ჰქონდეს.

სამშობლოს ხელოვნურად ვერ მონახავ. არ შეიძლება სამშობლოს ხელოვნურად შექმნა სადღაც გარეთ, იგი

უნდა შექმნა იქ, სადაც ამა თუ იმ ერის კომპაქტური მასა მოსახლეობს—და რომ ეს ქვეყანა ნამდვილად გახდეს მისი სამშობლო, იგი უნდა დაიპყრო და აი ოქტომბრის რევოლიუციამ დაიპყრო არა ეფემერული, არამედ ნამდვილი, კონკრეტული სამშობლო. სსრ კავშირი—კონკრეტული სამშობლოა მშრომელ ებრაელებისათვის, ისევე როგორც კავშირის დანარჩენ ეროვნებათა მშრომელთათვის; ამიტომ ებრაელები, როგორც საბჭოთა კავშირის სწორუფლებიანი შვილები, უნდა შეუდგენ თავისი ცხოვრების შენებას. ყოველივე დანარჩენი მხოლოდ ილიუზიაა, რომელსაც შეუძლია სულიერი კმაყოფილება, სულიერი საზრდო მისცეს ამა თუ იმ ცალკე ადამიანს, რამდენიმე ათეულ კაცს, მაგრამ იგი ვერას დროს ვერ დააკმაყოფილებს მთლიანად მრავალ-მილიონიან ებრაელ ერს. თუ ებრაელი ერი ეძებს თავის სამშობლოს, იგი უნდა მონახულ იქნას საბჭოთა კავშირის შიგნით. ებრაელი ერის, მშრომელ ებრაელთა მასის კეთილდღეობას ვერ დავაცილებთ რუსი მუშის, რუსი გლეხის კეთილდღეობას, იგი—საერთო. ამიტომ ჩვენ არ გვეშინია ეროვნული ჭიშპობისა, ჩვენთვის იგი არ არსებობს: განა ყირიმის უფარვის მიწებზე დასახლებული ებრაელი ჩვენი კონკურენცია? არა! ვის რას წაართმევენ, ვის გაუწევენ კონკურენციას? მათ შეუძლიათ მხოლოდ ახალი მატერიალური ღირებულება შექმნან და ამით ძალა შემატონ საბჭოთა კავშირს.

ამხანაგებო, რას ვხედავთ ჩვენ ამ ჟამად? ჩნდება მცირე ტერიტორიალური ებრაელი ერთეულები. ისინი ერთობ მცირენი არიან, მიკროსკოპიულნი, მაგრამ ზოგჯერ მცირე დიდ რასმე ნიშნავს. ებრაელთა ახალშენები, სოფლები, თემები ძლიერ მცირერიცხოვანია, მაგრამ



ებრაელი ერისათვის მათ უდიდესი პრინციპიალური მნიშვნელობა აქვთ. ებრაელი ერის სამშობლო ჯერ ერთობ მცირეა, მაგრამ მას უკვე აქვს ოლქები, ტერიტორია, ნიადაგი, ფუძე. უწინ ებრაელებში თითო ოროლა იღბლიანი კაცი, კაპიტალისტი თუ გამოერევეოდა, მაგალითად, ბარონი გინზბურგი, რომელიც, მეფეთა წყალობით, მიწას ფლობდა; ახლა-კი ებრაელი მასა მიწადმოქმედებას ჰკიდებს ხელს, ქმნის თავის ტერიტორიალურ ერთეულებს—და ყოველივე ამას ვინმე წარჩინებული პირის წყალობით-კი არ სჩადის, არამედ მიტომ, რომ ეს მისი უფლებაა, ჩვენი კავშირის მუშებთან და გლეხებთან ხელახელ ჩაკიდებულ ბრძოლაში მონაპოვარი უფლებაა. აი რაშია განსხვავება! ეს უფლება ებრაელებმა ბრძოლით მოიპოვეს და, ბუნებრივიცაა, რომ ისინი სსრ კავშირის სწორუფლებიან მოქალაქეებათ გრძნობენ თავს.


სიძნელენი ახალ, შემოქმედებით გზაზე.

ამხანაგებო, აი აქ შეიკრიბა პირველი საკავშირო ებრაელთა მიწად მომწყობი ყრილობა. რა თქმა უნდა, მე ექვი არ მეპარება იმაში, რომ თქვენ უფრო ლამაზად და მომხიბლავად გაქვთ წარმოდგენილი მიწის მუშაობა, ვიდრე ის სინამდვილეშია. ეს არც არის ცუდი. ცდება ის, ვინც ფიქრობს, რომ ასეთ დროს სინამდვილის შელამაზება მავნეა. მართალია ეს აწენებს პრაქტიკულ მუშაობას, თუ ხელმძღვანელები თვითონ შეპყრობილი არიან ამ ილიუზიით, მაგრამ, ვიმეორებ, მიწის მუშისათვის ეს არ არის მავნე. საჭიროა, რომ მისი უბრალო, გლეხური, მექანიკური მუშაობა, რომელშიდაც იგი ჩაფლულია მთელი დღის განმავლობაში, სულიერად აკმაყოფილებდეს და ამადლებდეს მას.

ებრაელს, რომელიც მიწის დამუშავებას ჰკიდებს ხელს და ამიტომ ქალაქურ, თუნდაც პრიმიტიულ ცხოვრებას სცილდება, სოფლად მძიმე, შავი მუშაობა მოელის. ამიტომ მან, მე ვამბობ, არ უნდა დაივიწყოს, რომ იგი დიად ეროვნულ მისიას ასრულებს, დასავლეთის კაპიტალისტი-კი ებრაელი ხალხისათვის მცირე დახმარების მიცემით ცდილოს საიქიოს დაიმკვიდროს ადგილი მოსეს გვერდით. თუ მათ, ამხანაგებო, სწამთ თავისი ერი, თუ მათ მართლაც და შესტკივათ გული ამ ერისათვის, თუ ისინი მორწმუნე ხალხია, საიქიოს ხომ ჰკითხავენ: სად იყავით თქვენ მაშინ, როდესაც შენდებოდა-მტკიცდებოდა სამშობლო, როდესაც მშრომელი ებრაელი ქმნიდა თავის სამშობლოს? მე მგონი, ამხანაგებო, ჩვენ მოწყალებას კი არ ვღებულობთ დასავლეთის კაპიტალისტებისაგან, ჯოინტისა და სხვ. ორგანიზაციებისაგან, არამედ ჩვენ კუთვნილს ხვედრს, და თან მათი სულის ცხონებაზე ვზრუნავთ. რა თქმა უნდა, თუ იქნა დახმარება, ჩვენ უფრო იოლად და სწრაფად გავივლით ამ მძიმე პერიოდს, მაგრამ დახმარებაც რომ არ იყოს, საბჭოთა მთავრობას—მე შემიძლია მისი სახელით პირდაპირ განვაცხადო ეს—ყოველ შემთხვევაში არ შეუძლია შეძლების დაგვარად არ დაეხმაროს ამ საქმეს. ამხანაგებო, ებრაელ მშრომელ მასამ უნდა ნათლად დაანახოს ჩვენი კავშირის სხვა ერებს, საქმით დაარწმუნოს ისინი, რომ ებრაელი ერიც ყველა დანარჩენ ერებთან ერთად შემომქმედი, მწარმოებელი ერია. მე ვამბობ, როცა ებრაელი ერი მიწამოქმედებას ელტვის, იგი არა თუ მხოლოდ შეინარჩუნებს თავს, არამედ დაამსხრევს აგრეთვე იმ „ობივატელურ“ ყალბ შეხედულებას, თითქოს არ არსებობს ებრაელი მუშა, ებრაელი გლეხი, არიან

მხოლოდ ვაჭრები, მხოლოდ მდიდარნი. ჩვენ-კი ვიცით, რომ მშრომელ ებრაელთა მრავალი მილიონი ლუკმა პურისათვის დღიდან-დღეზე მძიმე ჭაპანს სწევდა და ახლაც სწევს. ნებმანებსა და ვალიუტის სპეკულიანტებს შორის ბევრი ებრაელია, (ყველამ ვიცით, რომ მთავრობა მათ ებრძვის) მაგრამ ეს თვალებს ვერ აგვიხვევს და ვერ დაჩრდილავს იმ ფაქტს, რომ მშრომელი ებრაელი მასა ისევე როგორც სხვა ერის მშრომელნი, ლუკმა პურისათვის, არსებობისათვის იბრძვიან. უაზრობაა მშრომელი ებრაელისა და ნებმან-სპეკულიანტის ერთ ჯგუფში მოქცევა, ერთი იარლიკის მიწებება (როგორც ამას რუსეთის ბურჟუაზია სჩადის). ებრაელი ერი ცდილობს ახლა თავისი სამიწადმოქმედო ახალშენებით დაამსხვრიოს ეს ყალბი აზრი, დაიმკვიდროს ადგილი ჩვენი კავშირის ყველა თავისუფალ, თანასწორ ერებს შორის.

რა საჭიროა მოუწოდო ებრაელ ერს კულტურული ან პოლიტიკურ მუშაობისაკენ? მას ისედაც ბევრი გაუკეთებია ამ დარგებში. მე უკვე ვთქვი, რომ ებრაელობა ჩაება რევოლუციისაში, მჭიდროდ დაუკავშირდა მას, ამაზე ლაპარაკიც არ არის საჭირო. მეცნიერების ყველა დარგში საბჭოთა კავშირში თუ ძველ რუსეთში, ებრაელებს ექირათ არა-უკანასკნელი ადგილი. მე დარწმუნებული ვარ, რომ ებრაელთა მიწადმოქმედებაც ყველა ერის თვალში ასეთსავე ადგილს დაიჭერს. მთავრობა კი, თავის მხრივ, რა თქმა უნდა დაეხმარება ებრაელ მიწადმოქმედ მოსახლეობას ყოველგვარი საშუალებით, რაც კი მის ხელთ იქნება, ნება მიბოძეთ თქვენის პირით მხურვალე სალამი შეუთვალო ახალ ებრაელ მიწადმოქმედთ, უსურვო მათ სრული გამარჯვება და უთხრა მათ: ნუ შე-



უშინდებით სიძნელეებს, გულს ნუ გაიტეხთ; ამოცანა, რომელსაც თქვენს სწუვეტთ, უფრო დიადია, ვიდრე ის სიძნელეები, რაც მის განხორციელებას ახლავს და ამ მიზნის განსახორციელებლად ნუ დაიშურებთ შრომას (მქუხარე ტაშისცემა).



პარლამენტის ეროვნული ბიბლიოთეკა



K 1.048/2